

齊
谿
小
志

2020.11.17

7414

齊

穀

川

志

印	食	燕	共
數	曰	塘	和
王	息	匯	夷
	之	朱	一
	廬	氏	丙
	校	士	寅

士食舊德之廬
誠探朱善鈺印

出齊女門有燕塘匯焉匯分東西二澤總名齊谿古北郭十子所釣遊也李子
楚石生長於斯有志於鄉政凡齊谿之教育營建振卹廉察苟有益於地方風
化者無役不從比又搜輯方志盱衡古先與治國聞者王子佩諍博綜羣書泐
成卷帙使彈丸黑子油然興鄉土之思可不謂賢乎哉周官鄉大夫攷其德行
道藝而興賢者能者孔子曰吾觀於鄉而知王道之易易也將欲移風易俗修
明政教舍鄉其奚由乎書成以示余適余以疾久置今病愈書所見歸之任印
刷之資者朱子繩孫樂善敦篤亦余戚也例得附書張一譽序

齊谿小志序

昔實齋章氏嘗言各郡邑宜設志科以繼太史采風遺意誠以方志之作實史學之支流亦卽編輯正史取材之淵藪省志縣志尙矣卽下而至一鄉一鎮亦靡不闡幽表微條舉件繫網羅散佚勒爲專書集一鄉一鎮之掌故於以備省志縣志之權輿吾蘇各鄉鎮如陶煦周莊志徐傅光福志柳商賢橫涇志張郁文木瀆志徐翥先香山志施兆麟相城志大都比事屬辭足資攷證李君楚石英年績學留心文獻仿其體例輯齊溪小志於齊溪之建置沿革城池川澤宮宇坊巷橋梁祠廟園第冢墓人物流寓金石藝文一一分別部居鈎稽載籍言皆有物藻不妄抒其體裁頗爲謹嚴洵足以信今而傳後已書成問序於余愧未敢承惟念吾家自清嘉道間由安徽婺源遷蘇卜居燕塘匯之東治木業余少孤隨侍吾母棲息其間者十餘年童時游釣之所其情景歷歷在目壯歲浪跡四方飽經世變比倦游旋里息影窮居俯仰前塵動生感喟而余亦垂垂老矣展誦是編彌深鄉土之思詩曰維桑與梓必恭敬止徵文考獻敬梓恭桑李

齊 谿 小 志

序

君有焉余雖不文其曷敢辭爰綴數語以答其意民國十五年二月吳縣單鎮序

校閱姓氏

單鎮束笙

顧建勳魏成

楊政則庭

胡寶書玉森

王睿佩諍

朱善銓誠孫

齊谿小志

齊溪小志

燕塘李 楚石纂輯

建置沿革

城池

川澤

官宇

倉庫 驛遞 善堂 義冢附

軍制

坊巷

橋梁

祠廟

寺觀

第宅園林

齊 谿 小 志

冢墓

古蹟

人物

列女

釋道

流寓

金石

藝文

附集文 集詩

雜記

建置沿革

齊溪屬禹貢揚州之域春秋吳地吳滅入越越滅入楚秦漢屬會稽郡元封五年屬揚州刺史後漢順帝永建四年分浙江以西置吳郡三國吳因之晉平吳屬揚州刺史東晉屬吳國劉宋永初二年仍屬吳郡元嘉中屬司隸校尉大明七年割屬南徐州八年仍屬揚州齊因之梁太清三年屬吳州大寶元年復屬郡陳禎明元年於吳郡置吳州隋平陳廢吳郡改曰蘇州大業初復曰吳州三年仍爲吳郡唐武德四年復置蘇州爲郡國治均領吳縣一縣齊溪皆屬焉貞觀元年屬江南道萬歲通天元年析吳縣地置長洲縣齊溪改隸焉開元二十一年分屬江南東道乾元元年屬浙江西道唐末吳地爲錢鏐所有五代唐同光二年屬中吳軍太平興國三年錢俶納土仍屬蘇州屬兩浙路熙甯七年屬浙西路政和三年屬平江府元至元十三年屬江浙等處行中書省平江路至正十六年張士誠據之屬隆平府明太祖吳元年屬蘇州府清因之宣統三年

齊 谿 小 志

一

併長洲齊溪復入吳縣民國因之



城池

齊門吳東北門也越絕書云闔閭伐齊取齊女爲質子爲造齊門置於水海虛其臺在車道左水海右吳越春秋云闔閭十年既破齊齊女爲質於吳吳爲太子波聘之齊女少日夜號泣成病闔閭乃造北門名曰望齊門令女往游其上女思不止病益甚曰死必葬我虞山之巔以望齊國所謂涕泣女吳卽此事舊志引陸廣微誌作太子終纍及九層飛閣事非是 盧熊志 案原地民國十年吳蔭培立有碑碣

平門吳地記平門北面有水陸通毗陵子胥平齊大軍從此門出故號平門吳郡圖經續記平門故謂巫門巫咸所葬也吳郡志巫平字畫相近盧熊志平門巫門北門也並見越絕書今有平門塘 宋平江城坊考

川澤

燕塘匯在齊門塘東見平江圖世稱其東西地曰東匯西匯宋孝宗御賜通神庵碑蓑衣何真人卒葬燕塘之原卽此地也

參平江城坊考

運河一名漕河南自嘉興由石塘北流經郡城又北繞白公堤出望亭入無錫

界 姑蘇志

常熟塘吳郡圖經續記常熟塘自齊門至常熟百餘里皆有涇浦入口口口蓋
醴其渠以泄水則有涇引其流以至江則有浦其名甚衆而崑城湖陽城湖之
水皆賴以泄焉盧志常熟塘唐元和中郡守李素命長洲宰李曠攝常熟今李
任方分任董役而成紀功立碑劉允文撰劉苑書元和四年二月也姑蘇志雲
和塘本名元和成於元和四年故名後譌元爲雲今但呼常熟塘南連運河北

入常熟界 平江城坊考

平門塘見吳地記

齊 谿 小 志

三

婁門之北轉出齊門塘爲楊涇 姑蘇志

官宇倉庫 驛遞 善堂 義冢附

長洲縣尉司祥符圖經云尉廳在齊門外去縣三里續志云在齊門外緣塘一里許淳熙十一年曾復重建廳西有臺下臨塘岸扁曰奇軒盧德志教場在長洲縣尉廳東見平江圖

長洲縣社倉一在陸墓鎮廠八間今廢馮志

長洲縣急遞鋪一在府北十里五都常熟塘名無量鋪馮志

萬壽亭在齊門外清康熙二十三年巡撫都御史湯斌卽明周忱夏原吉祠址改建自爲記馮志

培心堂在陸墓鎮清嘉慶二十一年建施棺代葬馮志

漏澤園一在齊門外屬本府先是崇甯三年指揮置漏澤園取德澤下漏泉之意又紹興十四年十二月奉旨命臨府措置庵屋募僧人主管月給常平錢五貫米一石埋瘞及二百人者申朝廷降給紫衣一道繼准指揮令諸路州軍一

齊 谿 小 志

四

體措置施行盧德志

吳塔巡檢司在齊門外蠡口舊在吳塔移此管閩門下塘山塘並婁齊二門外姑蘇志

軍制

宋軍制禁軍設威果第六十五指揮在報恩寺西全捷第二十一指揮在城西北鴻橋西按鴻橋卽今西教場街橋見平江圖元額各四百一十人諸寨設御前拱衛水步軍寨在北寺東嘉泰初創御前游擊軍寨在北寺西元額三千人或五百人御前忠勁軍寨亦在北寺西原額一千五百人均寶祐中創

元制鎮守平江十字路萬戶府翼在臥佛寺西有鎮撫所及各千戶翼鎮撫所理本府軍事千戶翼凡十並在萬戶府左右設置合治本處所附軍府事明軍制衛所蘇州衛指揮使司教場在北城下報恩寺後

按宋元明駐軍均在齊門附故虞圖南吳編古城北土寨及東西營門語而五畝園小志所以有南寨巷北寨巷之稱

清軍制黃埭汎把總一員經制外委一員駐紮黃埭帶兵五十八名專防齊門

齊 谿 小 志

四下

外水陸汎口十處自黃埭東三十里與沙河汎交界

馮府志

城守營分設墩臺汎地八十四處防守吳長元崑新五縣地方長洲縣汎十八其九日無量鋪

馮府志

坊巷

直街 東匯 鮑家巷 悟真巷 康熙志作悟真庵巷 以上附十六都

二圖 馬路巷 附二十一都一圖 右四巷並在齊門外見馮志 西匯

姚家弄 橫街 下塘街

橋梁

大甯橋 卽齊門外弔橋清光緒三十四年知長洲縣事汪懋琨捐建普利橋俗稱井亭橋朝天橋在朝天湖口故名亦名齊福橋舊以木爲之明宣德中知府况鍾始易以石俗名南馬路橋義成橋對馬路口俗名北馬路橋清康熙間督糧道劉鼎重建油車橋無量橋在無量寺前青石橋潘家橋楊涇橋朱涇橋明弘治十三年重建廣惠橋宋涇橋以上諸橋並在齊門外見馮志石獅涇橋王婆涇橋王家橋虹橋宴春橋在城門口跨西匯民國十三年春齊溪市民公社創建梅邨橋民國十五年建錢萬里橋壩基橋日暉橋

祠廟

關王閣在西匯東端宋末建清嘉慶中重修

張仲祠在齊門外明燬

馮志

安齊王廟在齊門外祀安重誨雍正間建庚申之變燬於兵克復後重建同治

七年請於官列諸祀典

馮志

李王廟在齊福橋東堍光緒初里人釀資遷建北首約十步

湖涇廟在下塘石獅涇浜中祀晉顧愷之清同治中里人重建廟中有明嘉靖

間鄉約碑文

玄壇廟在弔橋堍光緒中建

靈官廟在洋涇塘

財神堂在西匯姚家弄底

寺觀

無量壽寺在齊門外唐時建宋敕重新明洪武初選十高僧本寺東白曉得與焉馮志原案百城烟水有無量壽院後附姚廣孝贈東白詩則即此寺可知前志寺院並列疑有誤姑蘇志云有僧餘澤記百城烟水云無量壽寺距齊門城北一里宋臨廬間爲法主淨梵講訓之所其地東西廣一百二十步南北二百步古殿嵯峨迴廊繚繞初併北禪正統辛酉釋普信請得今額關山門建天王殿增廣垣宇戊辰孟夏立石里紳卓禮撰碑記正德己卯昇曉窗石刻饒冢宰詩都穆爲跋崇禎間天台教素純法師與其子天成禪師曾駐錫焉素純遇亂被害天成以事移君之金蓋山康熙己酉夏延江南牧老人嗣新安程氏可生慈禪師開法壬子起大悲殿庚申修大殿乙丑夏師示寂將闕維建塔於寺後孟侍講亮揆爲跨銘慈庵相禪師繼之

白蓮教寺在齊門外六里陸墓鎮吳赤烏間建後毀僧法雲重建明洪武三年

齊谿小志

重修弘治間圯而復完吳寬記清順治十三年重建大殿康熙二十六年建天

王殿馮志

華嚴庵在白蓮教寺東古巷明萬曆初建韓世能記清康熙癸丑昱禪師擴地

重建馮志

平田禪院在陸墓寺有文徵明書正行千文及赤壁賦石刻馮志金石門

悟真道院在齊門外宋何蓑衣真人退修之所有墓在院東明洪武初葉道元修輯天順壬午道士童守初重修崇禎初鈕道祿又修清康熙間道士田洪科里人歐陽綱等恢擴舊址募建真武殿玉皇閣馮志明吳寬清彭定求均有碑記今存

西資庵在下塘大海堂橋境明高攀龍有記碑存

深棲庵在東匯虹橋北

普濟庵在東匯安齊王廟東

白雲庵在大街燒人街底
長壽庵家在王橋浜

園第

徐布政賁宅在齊門外故自號北郭生 馮志

小洞庭在齊門外劉僉事瑑卽舊宅累石如山因名徐有貞記一名寄傲園頗多幽勝嘗仿盧鴻一草堂圖釐爲十景曰籠鵝館曰斜月廊曰四嬋娟室曰螺龕曰玉局曰嘯臺曰扶桑亭曰衆香樓曰繡鈇堂曰旃檀室圖成各係以誌 馮志

參施何牧
元和縣志

張氏梅園在安齊王廟西明初楊維楨寓居門人張識種梅於此天啓初顧大任得之建小吟香閣趙宦光篆額後屢易其主繼爲詩人范起鳳結社今屬費氏閣俗呼酒釀樓 吳門表隱引北園小志稿

芳草園在齊門內定跨橋北明青霞居士顧凝遠築一名花溪清初爲周觀瞻荃所居康熙時崑山徐大司寇乾學得之乾隆初歸金明經傳經今金氏於園左建祠祀殉難六安州知州金寶樹園中尙有數百年古木 馮志